

**Resolución numero: 23**

**Asunto:** O demostratibo de terzer termino

### **Testo de a resolución**

O paradigma de o demostratibo de terzer termino que se consella emplegar (tanto en a funzió de pronombre achetibo como en a de pronombre sustantibo) en a escritura común ye *aquel, aquella, aquels, aquellas*. Ta o neutro se recomienda *ixo*.

O paradigma belsetán *aquer, aquera, aquers, aqueras*, que s'emplega pro en a literatura en aragonés común, ye tamién azeutable en o modelo estándar.

### **Chustificazió**

O primer paradigma ye o más cheneral, e prauticamén unico (fuera de o masculino plural *aquels*, que ye poco usato en a fabla biba). S'emplega á ormino en a luenga escrita común. O segundo anque sólo se troba agora en l'aragonés belsetán (o plural *aquers* tamién en chistabín) tamién gosa emplegar-se en l'aragonés literario común. A forma *aquellos* de masculino plural ye tamién muito cheneral (a unica en as zonas ozidentals de l'Alto Aragón), pero no responde á ra formazió regular de o plural en aragonés. Por cuenta, as formas femeninas *aquela, aquelas* (emplegatas en a Bal de Chistau) se consideran más locals e d'uso dialeutal (de forma paralela á ras formas *bela, belas*, fren á ras más chenerals *bella, bellas*).

En o neutro *ixo* se chustifica por a cheneralizazió de o segundo termino de coxas lexanas, prozeso pro caracteristico de l'aragonés. *Aquello* se gosa emplegar solamén ta señalar a lexanía asoluta. A forma de neutro *alló* ye dialeutal.

### **Bibliografía**

NAGORE LAÍN, FRANCHO.: *Gramática de la lengua aragonesa*, 5ena edizió, Zaragoza, Mira Editores, 1989, pp. 84-86.